

## **Ḳapiya Sën Jon Kevu Netu Luu Vu Kerisi-yi-alam**

<sup>1</sup> Kerisi-yi-alam hir ggev ti sa, besa neḱevu ḱapiya sënë yök vu hong avëh\* sën Anutu ggooin hong raḱ tu yö yi ngaa lo. Sa ḱevu vu ham los nalum lö. Sahëḡ neving ham yönon rot, lob su sengo ti rë, gaḱ alam pin sën deneraḱ gagek anon ni lo ahëj neving ham ving.

<sup>2</sup> Sa ahëḡ neving ham in gagek anon neggëp vu hil, lob yö rëḱ gëp geving hil degwata los degwata.

<sup>3</sup> Hil nesepa loḱ gagek anon bahëd neving hil. Om hil Amad Anutu luho Yesu Kerisi sën Ama Nalu lo desemu hil los kwaj gevongin hil bedegevong behil ayod gëp revuh.

### *Hil Sepa Doḱ Aggata Sën Hil Ahëd Geving Hil*

<sup>4</sup> Sa kwag vesa rot in sa hango gagek bë nalum lo vahi denesepa loḱ gagek anon yoh vu sën hil Amad Anutu nër bë hil sepa doḱ lo.

<sup>5</sup> Oo avëh-e! Sa su neḱevu ḱapiya sënë yök vu hong in bë gevong horek mewis ti vu hong rë. Gaḱ yik sa neḱevu horek sën hil hako vu nyëdahis bë hil ahëd geving hil vewen vewen lo.

<sup>6</sup> Aggata ahëvingsën-yi nebë sënë: Hil sepa doḱ Anutu yi horek. Lob ham ngo horek sënë

---

\* **1:1:** Jon nër bë kevu gagek vu avëh ti, rëḱ alam ngahi kwaj nevo bë maḱ kevu vu Kerisi-yi-alam yu ti loḱ beggang-bu ti, rëḱ peḡḡirin gagek raḱ yah avëh, gesir ti ti sën denedo loḱ yu ti agi nebë nalu lo

nyëmuğinsën bë ham pasang sepa doḵ bahëmin geving ham.

### *Hil Ngo Pasang Sepa Doḵ Kerisi Yi Gagek Niwëëk*

<sup>7</sup> Alam tetuhinsën ngahiseḵë detah sir in hil beyah denesepa loḵ aggata-dob-yi. Alam sënë su denevong ving bë Yesu Kerisi tu mehönön raḵ yönön rë, om sir og sir alam gagek tetuhinsën ata, gesir alam sën denevongin bë dedahun Kerisi na lo.

<sup>8</sup> Ham gwegin ham nivesa in ham rëḵ gwevuu ngaa pin sën ham vong huk in ggovek ya lo na. Gaḵ mëm ham ngo medo niwëëk in ham natöḵ vu nyëvewen nivesa doḵ nah.

<sup>9</sup> Bë mehöti su sepa doḵ Kerisi yi gagek niwëëk rë, gepesöng loḵ ya gagek ngwë, og Anutu su nedo ving yi rë. Gaḵ mehöti bë najom Kerisi yi gagek ahon niwëëk, og Ama lu Nalu denedo ving yi.

<sup>10</sup> Nabë mehöti nöḵ berup vu ham, rëḵ su ḵo gagek anon nebë sënë rë, og ham su gweḵo yi doḵ na ham beggang, geham su bengwëng vu yi.

<sup>11</sup> Gaḵ mehöti bë bengwëng vu yi, og nelöḵ vu yi in yi huk nipaya saga.

### *Gagek Hus*

<sup>12</sup> Sa kwag nevo gagek ngahiseḵë bë sa ḵevu vu ham, rëḵ ma gesa kwag nevo bë su yoh vu bë sa ḵevu jaḵ bël veriik doḵ ḵapiya rë. Gaḵ sa kwag nevo bë mëm senök galë ham behil medo bengwëng doḵ ti, og mëm hil rëḵ kwad vesa rot.

<sup>13</sup> Anutu ggooin arim sënë† raḵ tu yō yi ngaa, log arim sënë nalu lo kwaj nevo hong medenenēr.

---

† **1:13:** Jon nēr ari sënë, og maḵ peggirin gagek raḵ Kerisi-yi-alam yu ngwē sën losho yi Jon denedo lo, log nalu lo og nenēr raḵ yi ving sir

**Gagek Mewis**  
**The New Testament in the Central/Mapos dialect of the**  
**Buang language of Papua New Guinea**  
**Nupela Testamen long tokples Buang Mapos long**  
**Niugini**

Copyright © 2003 The Bible Society of Papua New Guinea

Language: Buang, Central/Mapos (Buang)

Dialect: Central/Mapos

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 18 Apr 2025 from source files dated 31 Aug 2023

18a972db-abcc-5dc3-9031-f1d4455b33c3